

peregisse, grandines excitasse, multaq; alia ejusmodi. Quoniam autem præcipuè istarum maleficarum actiones in istis conventiculis eæ sunt, ut ibi epulentur, & deinde choreas ducant & saltationes, & posthæc, carnalibus spurciitiis cum incubis Dæmonibus sese polluant, interrogata super his omnibus obmutescit omninò. Rursus interrogata & sciscitata, cur ita obmutescat, signis demonstrat, se non posse loqui, gutturq; ostendit prodigiosum in modum intumescens. Quamobrem intermissis interrogatoriis, per aliquot horas, cum ad pristinam sanitatem reversa esse videretur, & interrogaretur, unde illud esset, quod non potuisset loqui, respondit, se à Dæmoniis esse obsessam, qui eam usu vocis ita privaverant, ne veritatem confiteretur. Interrogata verò quomodo id contigisset, ut à Dæmoniis obsideretur, respondit, ex maleficio cujusdam sortilegii (quem nominabat) id sibi accidisse, qui quidem dato pomo, & ab eâ deinde comesto, duos Dæmones in eam immiserat (quod & sortilegus ille, jam tum in alio carcere reclusus, iisdem penè verbis falsus est.) Item interrogata, quo tempore id factum esset, narrat sigillatim, sed ita tamen, ut ex ejus dictis non satis facillè colligeretur, an pomum illud jam ipsa comedisset, antequam pactum illud prænarratum fecisset cum Dæmone, & antequam conventiculis illis nocturnis unquam interfuisset. Interrogata iterum, an in illis nocturnis conventiculis Dæmoni incubo sese subjecisset, & prostituisset, rursus obmutescit, sed capite annuit, ac si fateri voluisset. Interrogata autem quoties duobus digitis sinistræ manus paululum erectis. Demonstrat bis id factum fuisse: tandem, cum ex his, aliisque multis signis satis evidentibus, revera constaret eam esse Dæmoniacam, & ab immundis spiritibus obsessam, procurat Judex, ut, omnibus modis ab Ecclesiâ Catholicâ approbatis, Dæmonia illa ejicerentur, quod tandem, divinâ id concedente gratiâ, piis quorundam Sacerdotum precibus, jejunis & exorcismis obtinetur. Cumq; omninò liberata esset, & Judicis ipsamet significasset, se post adhibitos exorcismos, à Dæmonibus dimissam esse (quos dicebat ab eâ decessisse in forma duorum nigricantium limacum, qui postquam per cubiculum visissent aliquantulum circumire, subito disparuerant) iterum & sæpius interrogata, omnia suprascripta spontè, & ingenuè fateatur, confessionesq; præcedentes ratificat. Illud tamen addit (ad sui exonerationem) se, postquam obsessa fuisset, ad nocturna illa conventicula sortilegorum, nescio quo modo, per aëra transvectam fuisse, eaq; omnia, quæ ibi cum cæteris maleficis egisset, præter voluntatem accidisse operâ Dæmonis obsidentis. Dubius itaq; Judex, quid in eam statueret, tandem quæstionibus eam supponi jubet, eo ut creditur animo, ut ab ea veritatem erueret, super hoc facti dubio, an scilicet jam tum cum Dæmone pactum illud solemne iniisset, cum pomum illud maleficum comedisset, quo mediante à Dæmoniis fuerat arrepta. Ex quo decreto, interjecta deinde appellatione, dubitatum fuit in Senatu; quid decernendum foret? *Hic casus est*, cujus decisionem vide *num. i. u/ q. ad n. 32.*

quibus